

Le hoba Noksa : Willem de Vink

Jisu Khümenbou



J
I
S
U

K
H
Ü
M
E
N
B
O
U

Ngühli kho jih pendoua Thükkabou

Ai.....



Khuthük hangangbü : ühüpbü ngühlang künbou.

Haülabü : Maibü pendou Mühghaüei hao müt shuong la kumang sühda, aoei maibü kümda.

Laishiba : Laishiba a Mühghaü ao kho shanga lenda, müt shuong to chühashi hoba Haoei haoen to ailai lenda.

Thangjam : Jisueibü eik shuongei amaaphela Hao haibü hoba langngaibü tetsida shanga wentek hoba ih jungngeikei (P.41)

Peisei : Jisu peiseia kongkubü hoba haibü kho Haoei jembü lulu kukei, kho tetsida, aoyouei hao phaisemda. (P.25-50)

Eik Shuong : Jisueibü eikshuong (P.18)

Jisu Langngaibü : lemli a jihuda shuongei püetbü lem chalou kho keda. (P. 38-54)

Ponpen Langkei : Jisu yoa langkibü kho Mühghaüei ponpen thon akibü haibü thek künkei. (P.23, 29-30 and 59)

Mailem : Nyi Mühghaü to maanglem a kümashi, Aiei haoei thebülanbü kümkei. (P.58)

Amaiapbubü : Mühghaüei amaiapbubü kho aoeikei mubü shanga aying. Shabü theletla lamlea longa Mühghaüei amai apbulabü lamlean ong ki. Amaiapbulabü thekkena kei aieilausi Jisuei seneibü konku künkukei. (P.58)

Mühghaü Sangle : Lanei müt shuong Hao ngüha leda Mühghaü sangle khünei ki.

Soushou Saopobü : Aoyouei Jisu phaisemda Mühghaü saopobü kibü müt shuong yoa kimang sühda. (P.58)

Jisu : Mühghaü shou nyen, tetlabü, Mühghaü kümenbou.

Khümenbou : Nangenbou Choba Khümenbou (Ibri Ngüh a)Greek ngühyema Sepei si Khrista. (P.52,55)

Welou : Mühghaü to joyubü litham kijinyet ayingsi kaang ngekko, hoba hao to ditashi. (P. 18,19,42)

Langngaibü : Jisu haibü ka langngaibü chalou chenei, haibü shuong pendou langngailabü, kho phaia Mühghaüei müt pendou matjemlabü. (P.53-57)

Sepeibü : Jisu ladang Kaodak to longngeila ajanjan pendou haanbü la yeilabü khuthük hoba kaodaka Mühghaüei jeileilabü. (P.57)

Nyekkei üphüpbü dangbou : Mühghaü hoba müt to (Toukei hao to shabü dogokei lauda)

Shabü : Mühghaü khulimbo senei ai ong kümda khoei senei hapla kibü jongsak kho senei asühdä laobou Mühghaüei sen la phokukei (P.4)

Mühghaü Shou : Jisu nyen, Hao Mühghaü ao kaodak to loukei müteibü haanga, Hao kho Mühghaü shou ki.




Jisu Khümenbou kho ao ?

Jisu ao Isreal a po hajar nyi thedang to kikei, Jisu Khümenbou, Jisu Khrista Tetlabü kho Hao Choba aying, Jisu Kho Mühghaü shou dogo ngada, hoba müteibü shou, kho tetlabü Hao to Mühghaü hoba Müteibü haanga kia. Jesueibü langkei ngühlü jih pendoua thükkabou.

Jisu Jih

Seneibü jihsiphai khangbü youa Jisu bukbü, müt shuong kho youei ayingxi gadu, ut hoba kolia ong phaikho kikei Europe kaonyeka ladang chaang ae hoba yungdang Africa shuong Roman Sangleei songdakei hoba hatlepbei, müt shuongxi wela dola athükko kikei lausikei Jihuda hoba Isreal mütlji thükkan kikei, haoen to Leeibü müt shuong dogo kei ngakei. Mühghaüei Laishiba dankokei jouyukei. Hao ajanjan pendou kümbou, hoba haoei müt shuong tokei thangbou yeimang sühda Jesuei kho shanga shatko lenda.





Jisu Jiha Isreal

Sangnyu : Jerusalem, Galilee, Samaria, Judea

Kaoen Komdak : Kaophai 28000 km²
(10,810 sq takbü)

Chasilang : Kila maienko kikei

Songdak : 63 BC (Khrista aloubü thedang to) Rombü shuongei songdak ko kikei.


Sorkar : Ponticus Pilate, Rom Governorei Isreal a songdakko kikei, Tiberus kho Rom Sanglea songdakbou Kikei.

Mailem : Judaism mailem, Jihudabü shuongei Jerusalem a lembü chüm Kikei, khün unghetbou shuongei mailem khümthen pendou kümkei hoba haoen kho lenbou (Khübü shuong la Laishiba ka shean lenkei).

Nguhyem : Ibri (Jihuda ngühyem) Greek phang pendouei laubü ngühyem, latin (Rom ngühyem).




Aila habü mütshuong pendou shumanga yoshaikei?



Kan lulu lamleashi, Mühghäu
sangle kho louada!

Langkei haanbü khangashi !




Mühghaüebü matjemeibü wou
kho Bunyu chungthema tenakei.





Lang maibü ehekbü
Bunyu pendou aklabü
hoba wan to jinlabü

Sen pendoukei kho tügü aklabü,
aoyouei ong maibü langkei kienla ?


Maimaitham! aokei Mühghaüebü
matjem ka asatenlabü lausikei kü
phainei che louada haoei kaibü
langkei kümbomeiko jaksheikulabü.



Nyi kaibü langkei jakshaimang
sühsı, kaibü shabü thekushi hoba
shumang to louan baptishi!



Touji no kaibü shabü ka sakkua
langkei haanbü khangla!




Müt pendouei songlenbou dogo
shumanga John Baptibou to ngakei.

Ngo kongnyubou aying
ngoji hao shanga lam
lamlekubou, aoei kanla
Mühghäü ao yingkei
lenlabü. Haoei kan
Mühghäü soushou hoba
wanei Baptikulabü. Kho
danko no khümbomeiko
jaksheilabü!



Hoba toukei....




Kho phaia khuthük ka ngüh cheei laukei




Khei ong kümashi, khei
yingsi setiei Mühghäüebü
mangangbü kümda.


Haüh, no
ngeibü jayangshou.
Ngei no sanouda
hoba ngo ka to
maanghaida.



Abou, kaibü sangle
kaiyena hoba nyi
maangangbü kümshi!



Kho seneibü mütten khangbü Johan Baptikubouei Israel mütli la khümenbou loulabü shanga lamlekukei. Kho jihsiphaia Israel kho Rom songdak phanga kikei.



Jordan shumanga Johan Baptibouei Jisu shanga laukei.

Chühashi! khünei kaodak shabü künlangbou Mühghaü san shoushou.



Hao khünei chalou hoba langyang saonyi kikei hoba haoei aikei ashau, haoei welaukei hoba Mühei nyengkei, haoeibü kümsilei shanga shatko chühkei.



Kho thükla, Jisuei kho kümla Müighaüei dambü kaodak shanga shatikei ho Müighaüebü lamthen müt shuong haibü ka litila.

Jisuei satan ao ühüpbü nakthühbü songdakbou aoei kaodak kho haibü hoba nyaübüei songdakda hoa thükenkei.



Haüh Abou! ngei nyi ai phedaji ngei kümlabü !


Lausikei satan haoeibü dangbouei
Jisu la Mühghaüeibü mission
akümtila shanga dambü hautikei.

Aying! Saopobü lai a lauda müt
wentek lansanei lang akida lausikei
Mühghaü ngüh danko lang kilabü.

No Müghaü shou yingkei longa
laang kho wentekla yeitiashi!




No maimai Müghaü shou
longa no lulu haka atashi,
aishanga kho doakei, haoei
khuthük hangangbü no
thounoula yantilabü.




Ho doakei! Nyi Bunyubou
ka Mühghaü tetakdei.

Nyi ngo lema longa ngei ka la
kaodaka haou pendou kulabü.



Ngo apyuashi satan! ho doakei,
nyi Bunyubou Mühghaü ong
lemjan hoba khangenjan.


Hoba satanei Jisu mütpem
apyukei, khuthük hangangbü
shuong louan Jisu to thuikei.





Jisu ladang Galilee to longeikei
hao soushou saopobüei shenan
kikei. Jisu Israel young thang
mütshaang sanglea chingkei.
Hao ladang meimeikei juongnyu
hao phai sembei haoenei Jisu
kho thuselibü shuongei doan
kibü khümenbou kho yinglao
dogo chüheikei.



Galilee a kana sangnyua chümkänbü lem che kikei.



Jisukei hao nyu hoba jenabou shuong at yua ho chümkänbü lüm a yoan kikei.



Lausikei hao lüm loma...

Ailai kümla! ih kho akidei !

Jisuei ai lenlaji
kho kümashi!

Iliechak kho deiei
shentishi hoba lümbübou
la japan chühtishi.




Hoji ladangkei diten achüh ai! ngo ho tügübü chümkan
lümtö hauan achüh dei kho ih la yeibü ! pendou to maibou ih !

Hoji Jisu Nazareth ka
loubüebü kümsilei yingkei!



Capernaum kho Galilee yungnyu nyangko kibü nangmaibü sangnyu kikei. Han Jisuei Mühghaü sangle shanga laula khangkei.






James! Johan ! hato
kaiya ! senei ngao
juong lapakei !



Tehüt, peter!



Küphai semashi!





Kaiya hoba kü phai semashi!
ngei no müt lapbü la yeitilabü !



Jisu hao eik shuong yoa Galilee pendou ai paikei, müt pendou la Mühghaü sangle lenkei hoba haoei shatbü maitiko, shabü sou shian sattikei hoba mütshuong aeibou maangpangkei hoba haophai sempei. Haoen lubü sangle ka loukei, hoba Jerusalem Israel sangnyua haoenei haoeibü ngühpem weko pendou la phokukei.


Shalebü shuong olinbou aishanga khuthük sangle haoeneibü




Kanei mütshuong la kan to aiong kümtimang sühda kho tügü kaneikei haoen to kümashi.




Kaibü dangbou to sanouashi hoba haoen shanga welaukushi.



Hupangshoua maibü kümashi khoei nyi angeko pitilemtibü.




Aoyouei yaksa che to dühko chühda, haoeisao to asanganal maangpona shona. Aoeikei Bunyu nyi khangenla athük haoei Mühghaü ayingsi nyaksinam khangenjan.



Haoeneibü nyek ko mangeibü wanthurung ki ka nyek maisho kia longa ka mang khümbo ngesaklabü lausikei ka nyek amaiko kia longa no nakthüha kia.




Aoeikei Bunyu nyi khangenla athük haoei Mühghaü ayingsi nyaksinam khangenjan.



Nget shanga maang temou, lausikei Mühghaü sangle shaang lamashi hoba joubü kho phai semlabü.





Nyi kü ngüh dita longa no kho laang thükkahuongbü chum, dangbou müt phatkei. Kü ngüh adit longa no kho phetsen thükka chüm dangbou müt phatkei.




Nyetche Capernaum a Jisueibü chüma
mütshuong hao yo a hongyuko kijinei...

Sen ladangkei üetenlabü.





Haoei ailai küman!
nyi kho ditlou?

Khümenbouei shabü apbula
haou kia lausikei ngei ka to
lauda kaibü yepshang
peashi hoba piashi.








Lausikei müt pendouji
Jisueibü kümsilei to aolin.
Ngükhüm lenbou shuongei
Jisuei nounyeteibü
ngükhüm jungeida lao
dogo pean chühkei, khünyet
Isreal a ai kümsilei akümla
shanga khangko sekko
asakko kiteikei.




Jisu haoeibü eikshoung yoa Galilee yungnyu kho khatkei.






Litham! Thakashi!









Haoenei haoeneibü long kho deikoua
paokei. Lausikei shongh yaangbü a...



Raah!









Ngei kala lenda, shouei hao mütpemei ai akümen. Haoei Bouei kümbü kho ong kümda, ngei maangangbü tügü aying lausikei Bouei maangangbü tügü. Kümda haoei ngo hautikei.




Jisu ponpen libü kaoen
to welaula hauko kikei.




Jisuei langyou che welauan,
haoeibü eik anthük nyi
pienkei. Haoei haoen müt nyi
pang hautikei. Haoen la shabü
soushou hoba shatbü pendou
thüka haou kukei.



Haosi jaisinanyi
peter hoba Andrew.



Jaisinanyi jakob hoba Johan.



Philip hoba Nathanael.


Thomas hoba Mathi (haosi ham
Rom songdaka khüm hebü kikei)



Thaddacus hoba lubü James.



Wapyou apyubü Simon
hoba Judas Iskariot.



Hauashi. Aoyouei kan sungletda, ngo sungletda, hoba
aoyouei ngo sungletda haoenei ngo hautibou sungletda.



Eik anthüknyi kho olinko
longeikei kho phaia Jisu
lubü kaoen che to haukei
lausikei müt shangei hao
mütpem üpyo.

Sek kho yaang lausikei kümbüleibü shisho ong. Kanei sek
Bunyubou to haoei kümbüleibü shuong hautila shanga welaushi.



Jisuei songlenko maitiko kikei hoba jihsiphai phaida.....

Philip, habü müt shuong pendouei ailai nyak hapla ? nyi haoen la shoula kuashi?



Lit set eibü munam eikei asoulabü!



Hanei nashou cheei wentek
ngao hoba ngao penyi kia.
Haoei kho ong kia.

Müt pendou sattiashi
tan anjinsem phang.




Jisuei Mühghaü la
nyensang kukei.

Haoei wentek hoba ngao
kho shaknyingkei.



Jisuei müt hajar onko pangteikei.




Hao kho Messiah laobou loulabü ki kho yingkei.


Senei hao choba la yeitikho!





chühashi! Hanei wentek joubü kam anthüknyi kia!



Müt shuong chümtö ngailabü jih süha nyi long kho leiashi hoba yungnyu kho danko haushi ngo shonga welaula thüngko.






Müt atei Jisu kho choba la yeitimang Shühkei, haoenei dambei haoei Rom songdak sunglabü, Jisu asungletbü müt shuong juong yeikei. Haoenei hao attiko shieila khangkei, müt shuong lamlekei, hao lapla shanga.



Lenbou no ladang haoto loukei?

Kanei ngo lambü kho ngei kan la wentek oknyinbü ka sai?

Kanei shausiyung laobou nyaühda kho shanga maangtarmao lausikei shausiyung laobou anyaüda hoba ponpen langkei kuda kho shanga maang maoashi.




Ngo thon akibü langkei kubü shausiyung ki. Ngeibü mang kho kaodakbü la langkei kubü ki.




Ho müt khoei ailai küman haoeibü mang shaula kula?

Amlangbü!



Kaiya hauakho!

Haoei müt pendou khüpettida!



Nokei satmang sühda sai?



Bunyubou, kün ao jungto haula? Ka yo a ponpen langkeibü ngüh kia!

Jisu to lulu aedang ka dambü
hako haukei. Haoei Galilee
sangnyu apyukei hoba
Israeleibü lubü konyeka
haoeibü Kümsilei eikshuong
yoa kümbo haukei.

Galilee

Israel

kho phaia hao Jerusalem to haukei.




No kho khumenbou, langkeibü
Mühghaü shou.

Aolakei talen, khümenbou, kho Jerusalem to khonsakla hoba haila haulabü lausikei sembounyet hao langngailabü.






Jerusalem sangnyu konga mütshong tokei-tokei haitikei haoen peiseia
thüngetkei, kho romanbü shanga pendou to sanou akakbü haibü kayang ki.



Aoyouei haoeibü langkei hatleplaji haoeibü langkei maolabü lausikei Aoyouei langkei kü shanga maolaje haoei kho hapngailabü.




Kho jihsiphaia Isreal a imbü sangnyu shuong kikei. Imbü kho aeibou shako kibü shat che kikei, aoyou tan im paoan ki haoen kho müt yo akiti.







Haoen ladang danlaji haoenei
haoen louada dogo müt shuong
la ngekko paiei.

Imbü!
Imbü!



Jisu! Lenbou! Kün to onoukei!





Jihudabü leiyebü Jerusalem
a kibü shuongei haoeneibü
sambü shoung. Jisu
jungto kok pheila hautikei
haoenei haoei kümbü pendou
to khulimbo kikei.


Hao amaibü müt shuong asangalanbü,
khüm hebü Rombü yoa khonyukei...

Khümenbou kho aoyou tan
maoan ki haoen lamla hoba
khümenla loukei.




Lausikei Jisuei
nounyet maitikei.

Maiashi!




Hoba nashousi shuong hao
junga sangsembo kekei.



Jisu Bethany sangnyu laobou Jerusalem ka asako ki khüto ngakei. Lazar shatko kikei.

Lazar hoba hao na nyi
Martha hoba Mary kho
Jisueibü thangbou maibü
kikei Jisu ladang Bethany to
loukei haoei ditkei Lazar
haian chalou lei dana.



Bunyubou, no kiteia tügenje,
ktijai ühaiko kikhoulabü!

Kajai langkeilabü Martha.

Haü ngei ngeakei hao
langkilabü thonbü chaloua.





Ngo langkeibü hoba langkei
aoyouei kü to mailemda lang
kilabü nyi kho mailemda lao
Martha?

Haü Bunyubou! Ngei mailemda
no kho thekubü khümenbou ki ao
kaodak to loulabü, Mühghau shou ki.


Kanei hao lanei khünkei?

Louan chühashi,
Bunyubou!




Kheiong chühashi, haoei
hao to aeibou sanouda.

Lausikei haoei Lazar haibü
kho thanget koulabü?



Hanei haibü shuong kho neia
sholepan laangei kümbü hea phoda.

Laang kho kuktiasihi!




Bunyubou! Ho lem hilabü,
kho chalou lei dana...

Nyi Mühghaü
soneikangbü
haplabü.




Abou, ngei kho lauda hai müt
loan kibü shuongei mailemla
nyi ngo hautikei.



Lazar, kaiyangal!



Hao ka nei sholepbü kho
sungenkushi hoba hao hautiashi.



Jerusalem songdak haoua kibü shuong Jisu hoba
hao eik shuong shanga aeibou dambuko kikei.



Kho mütei seikümsilei
juong kümda.

Senei kho haiong kumdia longa Rombü
shuongei kümsilei kumlabü!



Haoenei seneibü lembü
chüm hoba mütli leilutilabü!

Kaneibü haiyep jungeiashi!
Mütli pendou leilubü toji
müt che mütli pendou
shanga haibü maibou.

Kho Jisiphai ka chüäühän
Jihudabü leiyebü shuongei
Jisu kho Romanbü shuong
la kuan apla shanga jihsiphai
chüheikei haoenei ong haitila
shanga janthed kubou ki.


Kho shanga ong Jisu
kho haitjan?

Ladang Jisu Bethany a kikei....








Tongde püetbü lüm yinglabü,
mütshuong juong Jerusalem
to wakou hauda.



Jerusalem a lekiyeibü shuong Jisu
lapla shanga lamthen kümda,
lankei Jisu Jerusalem to hauda.



Jerusalem a lembü chum,
kho lemshang jinyu ki.



Püetbü lüm jihsiphaia
sanlon shuong haitida.



San shuong kho lembu chüma
müt shuong Mühghau to
penyubü kila shanga lembokikei.









Lausikei laobou sanlombouei
mütshuong shabü ka kümenda?




Lembü chüm, khaongmanga müt
shuong jekyuko hoba nam jeiko kikei.



Jisukei khünei kikei






Senei hao honetia longa
senei hao laplabü hoba
senei hao haitilabü.

Lausikei lüm jihsiphaia
aying senei püetbü lüm
a khonsak amangstühda.

Kanei hao shanga
küla lading kula?

Kho Judas haoeibü
eik yo a che.




Ngei kan la Jisu kulabü!




Künei ka la sempak khujin
(30) Jisu shanga kulabü aao
cheebü munam.



Jisuei püetbü lüm thedangto
mütshuong to lembü chüma
joyuko chalou shuong
dantikei.



Khünyet chasem Jisu hoba haoeibü eik
anthüknyi püetbü lüm shaula yoshaikei.



Ngei tou kümlabü!





Ngo mo khonasak toua ho
püetbü lüm kan yoa shaula
ngei aeibou maangdühkei.

Songdaka kibü shuongei
mütshuong la khangentida
lausikei ka shangaji khei aying.

Kan yoa sambü kho
kaneibü leiyebü.



Ngo kan yoa sambü che ki.


Bunyubou nyi ngeibü youh sakkulep sai? aying ladangkei.



Ngei no asakku longa peter no ngeibü aying.

Bunyubou kü yo aong ayingko kü yiksi khu sakbüma!

Aoei mang yoahoei youh ong sakjan.



Nyi ka to Bunyubou hoba lenbou dogo ngada kho thükde. Ngei ailai kaibü youh sakkukei, kho tügü kaneikei cheei che to khangenujan.



Kan yoka müt cheeiji ngo yakshaulabü.






Kho ngo aying sai?

Ladangkei!

Judas nyi ai kümlaji tongde kümashi!





Kho chasem, Jisu hoba hao eikshuong sangnyu apyukei lausikei Judas haoen yo akitel.



Ngei kan apyulabü lausikei Bouei kan thükto soushou saopobü yantilabü haoei kan to thuilabü hoba kan yoa ponpen kilabü.

Nyi ngo lato haudaji kaoen kho ngeakei.



Ngo lamnyu, ngühmai hoba langkei ngo adtankuji aokei kübou jungto alouda.



No han kishi ngo duisho haoen welauko.



Abou, thüka longa kho khonsak kho khüka kuktibü.



Ngei maanganbü aying lausikei nyi maangangbü yingshi.



Kan ailai ho jisiphaia yepda?
Peashi ! ngo yakshoubü hanei kia.



Ngei aoto sempung
shepda hao lapashi.



Salem lenbou!



Bunyubou, senei wapyuasao?




Judas nyi khümenbou sempung
shepbüei ngo yakshauda sai?





Jisuei hao laptida, hao eik shuong
pendou haoeneibü lamto satkei.



Jisu khukabou ungshetbou hoba khukabü Jihudabü leiyeibü
shuong jungto leian haukei, Peter hoba Johan sabükä phai sembei.






Jisu Rom governor pilate jungto leibada Jihudabü leiyeibü shuongei müt shuong la Jisu yuktila shanga lenkei.




Nyi habü koknyeibü
to ai lauda? ai aki?



Nyi ai kümbei?



Ngo ngühmai
aukabü
kula loukei.




Ngühmai kho ai?

Ngei hao ka ai shedbü ühubda
ho püetbü lüm hibü ngei kan
shanga ao ong litila, Barabbas
si Jihudabü choba?








Judasei haoei ai kümbei kho shanga maangpon sepeikei.




Ngei shedbü akibü müt yakshaua.



Hoei kün la ai yingla kho kaibü onet ?



Jisu kokbü müt nyi khanglanga thüngkei.



Peisei thüka ngühyem semei
kho doan kikei "Jisu ho
Jihudabü choba".

Jisuei haijepbü dei ayung.

Sepai shuongei haoeibü
nei kho phangpakkó pem
leila janyinkei.



No lulo hoba künkei püetashi!

Mühghaü to hatashi setiejji setieibü
kümsilei mubü hapngaida lausikei
ho müteiji ai shedbü akümbéi.



Kaibu sangle loujinei ngo damenashi!

Ngei ngühmaia ka to lenda,
tat no kü yo Paradaisa kilabü.




Ang anthüknyi (12) chajibou
chanyu yuklepkei, kaodak
pendou nakthühtham yeikei.

Jisueibü nyu Mary hoba hao eik
John peisei nyangko loan kikei.

Touji no nyu
hoba shou.



Kü Mühghaü kü Mühghaü,
nyi aila ngo apyukei?



Ngodei lada.



Abou, ngei ngeibü
soushou
kayik to kuda.



Pendou wana.



Chasem angh sema Jisu haikei sepoy müt
cheei haoeibü hiplang to aubuei sepbei
hoba khoyam sii dei tügü longkei.



Kho laia louakei, hao
sanshoushou haitishang
kaoen to leian haukei.



"Hao seneibü shabü shanga
sepkei hoba nitnyinkei"
lausikei hao haia.



Hao kho khümenbou laobou
loula kikei kho sai ?



Joseph Arimathea kabü hoba Nicodemusei Jisueibü
mang sungda. Haosie mang kho nei inyeibüa shoan
hedanga phoan langei sanglepbei.




Kaiya, senei hao khünla pheko.


Nounyet haksobü danan
phaia laobou püetbü lüm
saoshuong ngeiyang
shangjimbü hee to hooke.



Kanei aila langkeibü kho haibü
shuong yoä lamda ? kho
langgaia hauashi hoba hao
eik shuong la lenashi!






Peter hoba Johan kho
ditsilengko hee to
langjung laukei.



Hee kho kong kia.





Khünyet chaloua Jisu phai sembü müt nyi Jisu
haibü shanga lama paibü che to janyuko kikei.

Nyi thuseibü to mailemda lao? Messiah kho khonkulabü
hoba soneikhanglabü ? Ho pendou lea doakei !



Mangde ong shaushang
yungshanga müt kho
maoan apda...

Lausikei kho Jisu
ong yingan kikei!




Haoen tongde Jisueibü lubü
eik shuong lamla haukei.

Khünei Bunyubou hapa!




Mangde ong.....

Ngei ka la sangmai kuda!



Nyi ngo yingkei dogo
mailemdalao? ngeibü
yik si youh to chühshi !


Ngeibü Bunyubou hoba
ngeibü Mühghaü!




Jisu chalou saonyi sühko
haophai sembüshuong to
longan lenkei haoei müt
ngao ngao la longan lenkei
nyetche chaloua haoeibü eik
shuong at Galilee yungnyua
ngao lapbo kikei....

Kanei aiji shaulabü kilao?

Aki kanei ngao
cheongkei alapbei!



Kaneibü tak kho yungnyu
che aeito tekashi!








Ho Bunyubou yingkei!




Lenbou!

No kün yua louan
kü yua shaua saoma?






Hao eik shuong Jerusalema
welauko heiteiko kikei
soushou saopobü Mühghaü
soushouei haoen shentikei,
laobou soushou Jisu yo
kikei kho haoen yoa ki.
Haoei haoen müt haanbü la
yeitida aoyouei Jisu shanga
haou kiko aukabü kündä.



Jisueibü eikshuong haukei
shedbü lapbü juong kisikei.

Jisu kho Mühghaü shou!





Kho ngühlang kho le
danko kei phinthonkei.



Touji kaodak pendoua Jisu
phai sembü shuong weko
welaula hoba laishiba wela
shanga yoshaida haoenei
wentek shaknyinko iih
shomyuko Jisu haibü
damenda kho Mühghaü
mangangbü hapan
pendoueibü müt shuong
pendou to haoeneibü
maangpona kibü Mühghaü
sanou kho janyuko kila.

Jisuei müt shuong shanga
Mühghaüeibü
lamthen authüktia



Jisuei ka to sanouda!
olionashi hoba hao lemashi !

Mühghaüei kaodak to kheinyutham
sanoubü ka aoyouei hao to mailemda
ühailabü lausikei ponpen langkei hapla
shanga hao shou jayangshou kukei.


Saopobü lai

Jisueibü ngühli kho Laishiba a doakei, lubü le shuongeи awe hoba aweda Saopobü lai to leman. Kho le shuong kho pendoua pendou ki, kho chühla hoba dola po 1500 lekei, Saopobü lai kho dokümla po 1900 dankei, khün ngühli shuong pendou ailai Mühghaüei müt shuongeibü langkeia yoa kikei Jisueibü ngühliei Mühghaüei kho ao, shangashat ko lenda.

Jisu eibü Ngühli


Saopobü lai le lei (4) pendoua Jisueibü langkei shanga lenda. dobou shuongkei lenakei hoba dobou shuong pendou Jisueibü jihsiphaia kikei.

1. Mathi – Jisueibü eik hao khüm hebou kikei, Haoei kongnyu leko Isreal hoba Jihuda müt shuong shanga lenda.
2. Mark – Jisuei haoeibü khümsilei khang jinei Mark kho mütshu kikei. Haoei Jisuei seikümsilei kümbü shuong dokei.
3. Luke – Hao kho molieibü Doctor Haoei Jisu shanga khümbo ange, Lukei Jisuei ailai müt shuong leienkei kho lenkei.
4. John – Johan kho Jisu phai sembou Haoei kongnyu leko Jisu kho ao? Jisu kho Mühghaü, aoei müt shuong la shabü ka solo kukei.




Jisu Bukbü

Jisueibü nyu Mary, Jisu bukjinei chüm
akankei, lausikei sao saüsüngbü kikei.
Lausikei Mühghaüei Jisu bukla lamlekei.
Kho seikümseilei kho lea doakei, jih
loungnyu Jisu jiha. Jisu kho haukiyangkibüa
phangche abuk. Jisu buklabü shanga
sühshang kaoen akidei.



Jisueibü Seikümseilei

Jisuei seikümseilei jongnyu kümbei. Saopobü
lai a maitibü 40 Saonyito aean lenakei, kho
seikümseilei danko Mühghaüebü hou hoba
sanou lenda hoba khoei müt shuong to thuida
hoba olintida.



Jisu Haibü hoba Langngaibü



Aila Jisu haikei? Saopobü lai a saknyin janyinan lenakei.

Müt pendou, jih chenei amaibü kümkei Mühghaüei maangangbü asungletbü laoei Hao maangto shattibü, müt shuong, shabü pendou ka kümenan Mühghaüeibü thangbou yeitila, khoei Jisu loukei, Haoei Jembü lulu khümbo kula Jisuei hao lulu kongku künan haikei, hibü Jisu sen shanga haikei touji sen Mühghaü yoa thangbou lausikei senei amai apbushi, künei ai amaibü küman ki. Jisu haibü ka langngaikei, Mühghaüei Hao langngaitikei, khoei Mühghaü haibü tokei thiükka haou kibou lenda.

Jisu tou Mühghaü yoa ki. Aishanga Hao langki, hoba ponpen seneibü thangbou. Haoei sen to langkila thuida ponpendou Mühghaü olin sungbada.

Welau

Nyi ayingbü kümbüa amai apbü dogo laukho, hoba Mühghaüeibü thangbou yeimang süha longa, nyi ho welaujan, habü welau

“Sanoubü Mühghaü, nyi ngo sanoukei nyi kaibü jaiyangshou, Jisu kukei. Hao peiseia haikei, ngeibü shedbü shabü shanga, sanou damen amai apbushi. Ngeibü mashikbü shanga, Thumai Jisu ka ainei, ngo ponpen kaibü sanou damanko ngo langkila kü to thuikei nyi maangangbüa langkila? kho ponpendou küyoa nyangko kiasao? Thumai nyi ngeibü welau ditbü shanga nyi ai thekeilankei kho kümda!

Jisu Hoba No

Jisueibü ngühli ipbü hoba thonbü, Jisu tou pendouebü thükkabou, müt juongnyueibü thangbou, tou hoba loulabüa. Kaodak Jaksheida, müt shuong juongnyu gadu ayingsi kolia paida. Kailnonga hoba piboua paida, lausikei aikei Jisu to lulu akümda, hao ponpendou sen to nyangko ki, ladang hao Isreal a paikei, Hao kho ühupda lausikei hao tüktibü ki. Hao tüktibü thangbou yeimang sühda, Nyi hao to ditashi hoba nyi hao to sanouashi.

Nyi Jisu shanga aei shangashat mang sühda sai Hoba hao yoa lang kimang sühda sai?

Nyi Jisu shanga aei shanga shatmang sühda sai? Khei yinga longa Hao phai semashi.

- 1) Laishiba nyi lulu wela khangshi (Tetla bü weashi hoba doashi Luke le)
- 2) Welaula khangashi (Mühghaü to joyula hoba hao to ditla nyi lubüebü ngüh akhamda)
- 3) Jisu shanga müt shuong to joyuashi hoba Laishiba lenbü Jisuei hao phai sembü to häyümaang sühda leko thungeijangei cheei che to ai hao shanga ngekei.



Publisher: KRISTALAYA MERCY MISSION

Printed: Kristalaya Printers

Text and illustrations: Willem de vink

Copyright 1993 Stitching Wereldtaal, Rotterdam, The Netherlands,

Published in Dutch as "Jezus Messias". Edition in Chang Naga 2025:

ISBN: 978-94-93321-08-3 Digital copyright under the terms of the Creative commons BY-SA licence. All right of translation, reproduction and adaptation reserved for all countries. Worldwide co-edition organized and produced by: Wycliffe Netherlands.

E-mail: jmpbk.app@gmail.com Web: jesusmessiahcomicmedia.com/india

Jisu Khümenbou

Ho Jisu Khümenboueibü tükdebü ngühlü Hao Isreal a 2000 po thedanga kikei. Aoyouei ong hao haühyokei haoen mokkei. Aoeikei haoei kümbü akümen. Aoeikei haoei laubü tügü alau Jisu kibüa seikümsilei shuong loushedko kikei hoba aoyouei hao to ditkei haoen la olin hoba olinbü sungbakei khei yingankei mangde ong thonbü to loukei. Haoeibü dangbou shuonge hao haitikei lausikei kho thonbü aying, nyi lulu ai haühthükkei chühashi hoba Jisu khümenbou eibü ngühlü athakbü kho weashi!



Language: Chang Naga

ISBN: 978-94-93321-08-3